



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	2796

Strana:
1 od 1

Broj protokola: *05-1-25-1-912-18/24*

JAVNO

DATUM: 22.04.2024. god.

PRIMALAC: **ORBICO d.o.o. Sarajevo**
KARE d.o.o. Sarajevo
VALVOSON d.o.o. Busovača

PREDMET: Obavijest o izboru ponuđača u postupku nabavke robe: Mašinska ulja i maziva

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14 i 59/22), obavještavamo vas da je, nakon okončane procedure prikupljanja ponuda za nabavku robe: Mašinska ulja i maziva, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača ORBICO d.o.o. Sarajevo.

S poštovanjem,

DIREKTOR

Alan Bajić

DOSTAVLJENO:

1. Ponuđačima
2. Upravi Društva
3. Sektoru za administrativnu podršku
4. a/a



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 641	opc@sarajevo-airport.ba
WEB	www.sarajevo-airport.ba	/	/

Alan Bajić



DIREKTOR	Strana: 1 od 2
Broj protokola: 05-1-25-1-912-17/24	JAVNO

Datum: 19.04.2024. godine

Na osnovu člana 70., a u vezi sa članom 88. Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te izvještaja i preporuke Komisije za provođenje postupka javne nabavke robe: Mašinska ulja i maziva, broj: 05-3-25-1-912-16/24 od 12.04.2024. godine, Uprava J.P. Međunarodni aerodrom "SARAJEVO" d.o.o. Sarajevo, na 207. sjednici, održanoj 18. i 19.04.2024. god., donosi

ODLUKU

I

Kao najpovoljnija ponuda za nabavku robe: Mašinska ulja i maziva, ocjenjuje se ponuda ponuđača ORBICO d.o.o. Sarajevo, broj: 05/24, zavedena na protokol J.P. Međunarodni aerodrom "SARAJEVO" d.o.o. Sarajevo dana 27.03.2024. god., pod brojem: 06-1-25-1-912-6/24, koji je ponudio cijenu za predmetnu nabavku u iznosu od: 49.872,82 KM, bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Mašinska ulja i maziva, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-912-3/24 od 14.03.2024. god., a Rješenjem, broj: 05-1-25-1-912-5/24 od 15.03.2024. god., imenovao Komisiju za provođenje postupka.

U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana objavilo obavještenje o nabavci, broj obavještenja: 246-7-1-216-3-52/24. Do ostavljenog roka za predaju ponuda, 28.03.2024. god., do 12,00 sati, na adresu Društva ponudu su dostavila tri ponuđača, i to: ORBICO d.o.o. Sarajevo, VALVOSON d.o.o. Busovača, KARE d.o.o. Sarajevo. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, i to:

- ORBICO d.o.o. Sarajevo: 49.872,82 KM, bez PDV-a,
- VALVOSON d.o.o. Busovača: 49.886,00 KM, bez PDV-a,
- KARE d.o.o. Sarajevo: 44.995,60 KM, bez PDV-a,

Nakon javnog otvaranja ponuda, Komisija se sastala radi detaljne analize ponuda, te je konstatovala da ponude ponuđača KARE d.o.o. Sarajevo i VALVOSON d.o.o. Busovača nisu formalno-pravno, tehnički i računski ispravne, iz slijedećih razloga:

1. KARE d.o.o. Sarajevo

Prilikom pregleda ponude konstatovano je da je ponuđač propustio za stavku 9. „Mast Dow Coring 44 smeđa“ iz Obrasca za cijenu ponude sačiniti listu koja sadržava redni broj i naziv ulja ili maziva iz Obrasca za cijenu ponude što ju u suprotnosti sa član 2.1 pod i) tenderske dokumentacije, gdje je bilo neophodno navesti naziv i tip ekvivalentnog ulja ili maziva, dalje, tenderskom dokumentacijom član 2.1 pod h) propisano da je ponuđač dužan dostaviti tehničku specifikaciju robe iz koje se jasno vidi da ponuđeno odgovara traženom iz Obrasca za cijenu ponude (Aneks II) što također nije učinjeno za predmetnu stavku 9. „Mast Dow Coring 44 smeđa“ već je priložen „samo“ sigurnosno – tehnički list ? iz kojeg se ne mogu zaključiti fizikalna i hemijska svojstva. Tehnički list je dokument koji pruža detaljne tehničke informacije o proizvodu, materijalu ili supstanci. To može uključivati tehničke specifikacije, fizičke karakteristike, uputstva za upotrebu, informacije o bezbjednosti i mnoge druge relevantne detalje. Dok sigurnosno-tehnički list (STL), s druge strane, fokusira se posebno na bezbjednosne aspekte proizvoda, materijala ili supstanci. STL pruža detaljne informacije o potencijalnim opasnostima, mjerama predostrožnosti, postupcima za prvu pomoć, rukovanje, skladištenje, odlaganje i druge aspekte koji se odnose na bezbjednost. STL se obično koristi kako bi se osiguralo pravilno rukovanje opasnim materijalima i kako bi se minimizirao rizik od povreda ili štete. Glavna razlika između tehničkog lista i sigurnosno-tehničkog lista je u fokusu informacija koje pružaju. Tehnički list se fokusira na tehničke detalje proizvoda, dok se sigurnosno-tehnički list fokusira na bezbjednosne aspekte i mjere predostrožnosti.

Ponuđač je bio dužan dokazati da ekvivalent u svemu odgovara proizvodu koji je predmet nabavke.

Vrsta dok.	Izdavač
ODL	5-01

Strana: 2 od 2

JAVNO

U skladu sa navedenim, a imajući u vidu član 57. stav (1) ZJN kojim je određeno da je ponuđač dužan pridržavati se svih zahtjeva i uslova iz tenderske dokumentacije, komisija predlaže da se ponuda odbaci u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, te da se ponuda proglaši neprihvatljivom.

2. VALVOSON d.o.o. Busovača

Prilikom detaljnog pregleda ponude komisija je konstatovala više nedostataka, koji se ogledaju u činjenici da ponuđač nije pripremio ponudu u skladu sa tenderskom dokumentacijom. Uočeni nedostaci su sljedeći:

- Potvrda o dobro izvršenom poslu isporuke ulja i maziva izdane od druge ugovorne strane, nije u skladu sa tačkom 2.1. pod j) kojom se potvrđuje da je u posljednje tri godine (01.03.2021. - 01.03.2024.), ponuđač uspješno realizovao jedan takav ugovor godišnje vrijednosti ne manje od 24.000,00 KM bez PDV-a. Naime priložene su 3 potvrde koje glase na tri različita ugovora, od kojih se jedna odnosi na „industrijska ulja“, druga na „masti za podmazivanje postrojenja“ i treća glasi na „sukcesivnu nabavku motornog ulja“, dakle nijedna priložena potvrda ne odgovara tačno onome što je traženo tenderskom dokumentacijom (suprotno TD kojom je tražena potvrda da je ponuđač uspješno realizovao jedan takav ugovor).

- za stavku broj 9. iz Obrasca za cijenu ponude - „Mast Dow Coring 44 smeđa“ ponuđena je zamjenska - ekvivalentna mast "OKS 1144". Pregledom tehničkih osobina, odnosno priloženog tehničkog lista ustanovljeno je da mast "OKS 1144" ima donju radnu temperaturu od -40°C, a gornju do 200°C, što je u odnosu na „Mast Dow Coring 44 smeđa“, manja za 40°C čija je gornja radna temperatura deklarirana do 240°C.

Što se tiče ponude ponuđača ORBICO d.o.o. Sarajevo, nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, komisija predlaže da se ponuda proglaši formalno-pravno, tehnički i računski prihvatljivom.


Za predmetnu javnu nabavku bila je predviđena e-aukcija, međutim ista nije zakazana i održana, s obzirom da je samo jedna formalno-pravno ispravna ponuda dostavljena u za to predviđenom roku.

S obzirom na naprijed navedeno, Komisija je utvrdila da je najpovoljnija ponuda ponuđača ORBICO d.o.o. Sarajevo, te je predložila Upravi Društva da se ugovor za nabavku robe, u vrijednosti od 49.872,82 KM, bez PDV-a, dodijeli ovom ponuđaču.

Uprava Društva je razmotrila predmetni Izvještaj i preporuku Komisije, te je, nakon uvida u vođeni postupak, istu i prihvatila, pa je, na osnovu člana 70. ZJN, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

DIREKTOR
Alan Bajić



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva
3. Sektoru za administrativnu podršku
 - Služba za komercijalne poslove (orig.);
 - Služba za pravne poslove i protokol;
4. Sektoru razvoja, tehnike i standardizacije
5. a/a